

Noticia publicada en Diario Vasco sección Bidasoa, el viernes día 25 de Noviembre de 2016.

Irunez etxez etxezko uda zaintza zerbitzua hiltzen uzten ari dela salatu de ELAk

-

- M. A. I.
- IRUN

25 noviembre 2016 08:14

Udalak kudeatzen duen etxez etxezko zaintza zerbitzuari biztanlegoak eskatzen dizkion orduak «azken bi urteetan erdira jaitsi» direla salatu zuen atzo Oarso-Bidasoako ELAk. Zerbitzu honetan «55 langile» daudela eta, sindikatuak ordu kopuruen beherakadarekin kezkatua, Udal Gizarte Zerbitzuetara jo zuen. «Zerbitzu honen eske udal bulego hauetara joaten direnei, Udalak eskaintzen duen etxez etxezko zerbitzuaz gain, beste enpresa pribatu batzuen eskeintza ere luzatzen zaie», esplikatu zuen sindikatuaren Gizalan ataleko Xabier Etxanizek. «Zer bultza dezake udaletxezko langile bat udaletxeak berak kudeatzen duen zerbitzu baten 'konpetentzia' sustatzera?» ELAk galdera hori Ongi Izateko arduradunari luzatu zion eta «erabiltzaileek eskaintzen zitzaizkien zerbitzuagatik prezio baxuago bat eskatzen zutela erantzun zigun. Beraz, zerbitzuaren kostua omen da arrazoia», ondorioztatu du ELAk. «Enpresa askotan lan baldin-tzen kontura merketzen da. Udaletxezko zerbitzuan egonkortasuna eta lan baldintza duinak lortu zituzten langileek eta kostuan zuzeneko eragina izan du. Udalak sustatzen ari den enpresa horietan baldintzak kaskarragoak dira. Moraletik urrun», ikusten du ELAk, «Udala prekarizazio horren partaide izatea. Posible ote bere zerbitzua edukiz hustu nahiean ibiltzea? Horrela guztiz pribatizatua geldituko zen beste zerbitzu publiko bat. Azpikontratazioaren dinamikan hazkunde nabarmena egon da eta orain beste pausu bat eman nahi da».